

BOSNA-SUNCE OSIGURANJE d.d. Sarajevo, Podružnica Sarajevo, ulica Trg međunarodnog prijateljstva broj 20, Sarajevo, koju zastupa direktor Podružnice Alen Hujić, ID: 4200213140080 (u daljem tekstu: OSIGURAVATELJ)

i

PRAVNI FAKULTET UNIVERZITETA U SARAJEVU, ulica Obala Kulina Bana broj 7, kojeg zastupa dekan, prof.dr Borislav Petrović, (u daljem tekstu: UGOVARATELJ OSIGURANJA)

dana 01.06.2017. godine u Sarajevu, zaključili su slijedeći

<p>U G O V O R O PRUŽANJU USLUGA OSIGURANJA UPOSLENIKA</p>
--

I - PREDMET UGOVORA

Član 1.

Predmet ovog Ugovora je pružanje usluga:

- osiguranja svih uposlenika UGOVARATELJA OSIGURANJA od posljedica nesretnog slučaja (nezgode) za vrijeme rada i u slobodno radno vrijeme, tokom 24 sata bez vremenskog i prostornog ograničenja, sve prema ponudi ponuđača 107/17-JG od 08.05.2017.godine, koja čine sastavni dio ovog Ugovora.

II - OSIGURANJE UPOSLENIKA

Član 2.

Osiguranje po ovom Ugovoru pokriva posljedice nesretnog slučaja-nezgode nastale nad svim uposlenicima UGOVARATELJA OSIGURANJA pojedinačno.

Osigurani slučaj podrazumjeva iznenadni, nepredviđeni i od volje osiguranika nezavisni događaj koji se desi za vrijeme rada i u slobodno radno vrijeme, tokom 24 sata bez vremenskog i prostornog ograničenja.

UGOVARATELJ će sa OSIGURAVATELJEM u ime uposlenika, zaključiti policu kolektivnog osiguranja od posljedica nesretnog slučaja (nezgode), sa slijedećim osiguranim rizicima i osiguranim sumama:

◆ Smrt uslijed nezgode/nesretnog slučaja	40.000,00 KM
◆ Smrt uslijed bolesti	4.000,00 KM
◆ Trajni invaliditet	80.000,00 KM
◆ Dnevna naknada za boravak u bolnici	10,00 KM
◆ Troškovi liječenja	20.000,00 KM

08.06.17


- ♦ **PROŠIRENO POKRIĆE: loma kosti/napuknuće** bez posljedice trajnog invaliditeta i troškovi koji su nastali kao posljedica liječenja loma kosti/napuknuća, a za koje oštećeni nije u mogućnosti dostaviti dokaz od 150,00 KM.
- ♦ **Osiguranje od 12 teških bolesti do 800,00 KM** (maligni tumor, moždani udar, infarkt miokarda, transplatacija organa, koma, embolija pluća, otkazivanje rada bubrega, benigni tumori mozga, hronično oboljenje jetre, hronično oboljenje pluća, encephalitis i bakterijski meningitis).

Član 3.

OSIGURAVATELJ se obavezuje da će korisniku osiguranja za ugovoreno kolektivno osiguranje, u skladu sa odredbama Općih i Dopunskih uvjeta za osiguranje lica od posljedica nesretnog slučaja/nezgode, Tablice za određivanje postotka trajnog invaliditeta kao posljedice nesretnog slučaja/nezgode, i Izmjena i dopuna Općih uvjeta isplatiti:

- ✓ osigurane sume za slučaj smrti, ukoliko je uslijed nezgode/nesretnog slučaja nastupila smrt korisnika;
- ✓ osigurane sume za slučaj smrti uslijed bolesti;
- ✓ osigurane sume za slučaj trajnog invaliditeta;
- ✓ osigurane sume za troškove liječenja;
- ✓ osigurane sume za naknadu dnevnog boravka u bolnici, i
- ✓ osigurane sume za naknadu teške bolesti.

Polica osiguranja, Opći i Dopunski uvjeti za osiguranje lica od posljedica nesretnog slučaja/nezgode, Tablica za određivanje postotka trajnog invaliditeta kao posljedice nesretnog slučaja/nezgode i Izmjene i dopune Općih uvjeta za osiguranje osoba od posljedica nesretnog slučaja (nezgode) čine sastavni dio ovog Ugovora.

Član 4.

Za osiguranje uposlenika od posljedica nezgode/nesretnog slučaja izdat će se jedna polica o osiguranju, u kojoj se navodi broj osiguranih osoba i koja čini sastavni dio ovog Ugovora.

III - PRAVA I OBAVEZE UGOVORNIH STRANA

Član 5.

UGOVARATELJA OSIGURANJA se obavezuje:

- ✓ predati spisak uposlenika (brojno stanje);
- ✓ u slučaju nastupa osiguranog slučaja poduzeti sve mjere u okviru mogućnosti za zaštitu uposlenika;
- ✓ da nakon nastupa osiguranog slučaja obavijesti OSIGURAVATELJA o istom uz dostavu svih podataka kojima raspolaže, a koji se odnose na utvrđivanje uzroka osiguranog slučaja.

Ukoliko dođe do eventualnih promjena broja uposlenika, UGOVARATELJ OSIGURANJA dužan je OSIGURAVATELJU dostaviti podatke o promjenama, na osnovu kojih će se ispostaviti faktura.

Član 6.

OSIGURAVATELJ se obavezuje:

- ✓ pripremiti i uručiti policu;
- ✓ obavijestiti UGOVARATELJA OSIGURANJA o svim promjenama koje mogu uticati na osiguranje uposlenika;
- ✓ ukoliko nastupi osigurani slučaj iz člana 2. ovog Ugovora, OSIGURAVATELJ će izvršiti isplatu osigurane sume najkasnije u roku ne dužem od 14 dana od momenta kompletiranja dokumentacije potrebne za utvrđivanje osnovanosti i visine odštetnih zahtjeva (predočeni dokazi, ocjena ovlaštenog ljekara-cenzora i sl.);
- ✓ obaveze OSIGURAVATELJA po osnovu osiguranja nastupaju izdavanjem police u kojoj su navedene osigurane svote za svaki od rizika iz člana 2. ovog Ugovora.

IV - PREMIJA OSIGURANJA ZA KOLEKTIVNO OSIGURANJE

Član 7.

Ugovorena premija osiguranja po uposleniku iznosi 5,00 KM mjesečno, premija osiguranja na godišnjem nivou iznosi 60,00 KM po uposleniku, odnosno UGOVARATELJ OSIGURANJA je dužan OSIGURAVATELJU prijaviti eventualne promjene broja osiguranih osoba, kako bi se na kraju osiguravajućeg perioda izvršio konačan obračun premije i izvršilo dodatno plaćanje premije, odnosno povrat više uplaćenih sredstava.

V - USLOVI I NAČIN PLAĆANJA

Član 8.

Premija osiguranja plaća se na račun OSIGURAVATELJA u 12 rata po prijemu fakture, koju OSIGURAVATELJ izdaje na osnovu broja osiguranih osoba.

UGOVARATELJ OSIGURANJA će OSIGURAVATELJU dostaviti brojčano stanje uposlenika sa imenima i prezimenima, te će takav spisak predstavljati osnovicu za obračun premije osiguranja.

VI - PRIJELAZNE I ZAVRŠNE ODREDBE

Član 9.

Ovaj Ugovor se zaključuje na period od godinu dana počev od 01.06.2017. godine do 31.05.2018. godine, s mogućnošću produženja.

Ukoliko se jedna od ugovornih strana ne pridržava odredbi ovog Ugovora, druga ugovorna strana ima pravo na raskid ovog Ugovora pisanim putem uz otkazni rok od 30 (trideset) dana

Ugovorne strane su saglasne da će u i slučaju otkaza dovršiti sve započete poslove i izvršiti sve međusobne obaveze koje su preuzele prije otkaza ovog Ugovora.

Ugovorne strane se obavezuju da će sve podatke koji se odnose na međusobno poslovanje, kao i podatke o poslovanju jedne od ugovornih strana, čuvati kao poslovnu tajnu, utvrđenu obostranim dogovorom.

U cilju unapređenja poslovnih odnosa, tokom trajanja ovog Ugovora ugovorne strane mogu odredbe Ugovora mijenjati, dopuniti ili druge poslove regulirati sporazumno putem Aneksa ovog Ugovora, ili putem posebnih Sporazuma, s tim da sve promjene proizvode pravni učinak ako su sklopljene u pisanom obliku i potpisane po ugovornim strankama.

Član 10.

Za sva ostala pitanja koja nisu regulisana odredbama ovog Ugovora primjenjivat će se odredbe Zakona o obligacionim odnosima.

Član 11.

Ugovorne stranke suglasne su da sva eventualna sporna pitanja rješavaju sporazumno, a u slučaju spora, ugovara se nadležnost stvarno i mjesno nadležnog suda u Sarajevu.

Član 12.

Ovaj Ugovor je sastavljen u (4) četiri istovjetna primjerka od kojih svaka strana zadržava po (2) dva primjerka istog.

Član 13.

Ovaj Ugovor stupa na snagu danom potpisivanja ugovornih strana.

Bosna-Sunce osiguranje dd Sarajevo

Direktor Podružnice, Alen Hujic




Broj: 17533183

**Pravni fakultet Univerziteta
u Sarajevu**

Dekan, prof. dr Borislav Petrović



Broj: 01-690/17